



पाठ—17

लक्षम्मा

आलर र'ओर या जऊंत एँडोर ही जिया नू तंग'आ खददर ही मंइया अन्नैत चोन्हा निंदका मनी । खददर मंइया इंदिरइम बिपइत बर'ओ बारी अयंग तंगहैं जियान माल ऐरर ती, अदिन बछा:आ गो इजई काली । लक्षम्मद तंगहैं पइडरन बछाब:गे लकड़ा ती एकासे नंज्जा ?

ई पाठ नू नाम सिखरिओत— बअना ही ढंग, गलतीन गेच्छा नना, अर्जाअना ही संगे लेख ही बेहवार अरा इवजी पिंजका ।

कत्था आ उल्लाता रहचा एका खन्ने ऐन चिकमंगलूर हेददे बसरका शान्ताबेरी नामे ही ओंटा पद्दा नू रहचकन । असन आ उल्ला दूदही ही अजम घटी रहचा ।

एहैं सनी—सनी खददर रहचर । बेगर दूदही—दही ती र'अना मानिम अजाम ससाईत रहचा । एँड नाख उल्ला एहैं आलीगा अम्मू भिड़ाबाचका दुदही उईया । आखिरीनू परेशान मनर ऐम गाय अरा भैंस खेदना ही विचार नंजकम । जलदिम एंगा ओंटा भैइस खखरा केरा । अदही संगे अदही नाख महीना ता खद हूँ रहचा । एहैं आली भैंस खखर की अजम खुशमारा । भैइस अगहू तंगहैं खद ही उड़ना गोटी दुदही उन्तिई, अदही खोखा ऐम दुदही बिनदम । इन्नेला एड़पानू दुदही—दही ती एड़पा निंदकी रई । कटिक एन्ने मंज्जा का भैइस बरचका ती एड़पानू सुख अरा आनंद हूँ बढरा । ऐम ई भैइस ही नामे उईकम लक्षम्मा, मतलब लक्ष्मी अयंग ।

विमल नामे ही अड्डो मन्खा खापूस रोज एम्हैं भैइस अबोन, गाय—भैइस ही संगे खापागे टोड़ांग हों'आ लगियस । पइडरा गोट्टा उल्ला गोयशाली नू खुटुरकी र:आ लगिया । एँड—मून्द उल्ला बितिरकी रहचा की एहैं आली बाचा, नेला ती इदिन हूँ इदही तंग्यों ही संगे मेना —मोखा तईयोत चि:ओत । ईद गोट्टा उल्ला बेगर अयंग ही धोख ननी हे'अन ।

नना उल्ला तंगियो अरा तंगदस ही खेसेर नू ठरकी हेंचर चिच्चर । एँडोन संगे—संगे कालते ऐरर एहैं जियागे दौ लगिया । लगभग एँड महीना गुंटी अबड़ा एँडो बीड़ी पुतना ती मुंध टोड़ांग ती किरा बरआ लगियर । लक्षम्मा रोज खुटा हेददे कालार की अयो—अयो—अयो अउवार'आ लगिया, एमागे लग्गालिया दुदही बीनागे मेखा लगी नेंकआन

उंदुल पुतबारी लक्षम्मा अरा पइडरा एड़पा माल बरचा । एहैं आली अबो बहरी केरा ती मेंजा—खोजिया । पता चलरा कि विमलस अड्डो—मनखन ओंदरस बरचसने, पहेँ लक्षम्मा अबोन माल खखर, अदिन टोड़ांग नू बेददा केरका र'अदस । आसगे हूँ पद्दा बर':अर कि पता लगिया कि जमां जऊंत नू लक्षम्मा अरा पइडरा मलकी । एहैं आली अकबकरा ती जमा एहैं ऑफिस नू एहैं गूटी खभईर अडसताचा ।

ऐन एड़पा बर'अर कि चाली—बाली ता संगे रिन तिंंगकन । जमर बाचर ओंदघड़ीगा विमलस ही बरना ही डहरे ऐरना दौ रओ, ऐन्देर गो आसीम भैइस खापना ही सही अड्डा ही पइत नू तेंग्गा ओंगोस । ई मझी नू एम्म डंडा अरा दिबरी ही जुगाड़ नंजकम । पुल्लिस ही ओंटे सिपाहीसीन हूँ बंदूक संगे होअर ती कालागे राजी नजकम, खनेम ईरकम कि आगू तरती बइयन टेड़हो नंनजस ती बिमलस बर'आ लगदस । आस एन्दरा हूँ बअना ही जोगे नू माल रहचस । ऐम

बेगर बेड़ा टगा बअम आसीन होअर टोड़ांग तरा किरिम बिचकम।

बेदद एरकून हूँ लक्षम्मा टोड़ांग नू अत्तरा—इत्तरा ऐसन हूँ माल खखरा। आ बारीम एंग्गा भैईस ही ठरकी सड्डना मेंदरा। पहें एंग्हेँ संगियार बाचर कि ईद एंग्हेँ भैईस हेआन। माखा बग्गे मना लगिया अरा टोड़ांग नू लकड़ा ही धरना मोखना ही पइत नू ढेर एन्ने कत्था मेंजका रहचकन। एन्नेनू जमर ही जिया अबोन ससाईत नू नना ऐन दौ माल समझारकन, एंग्हेँ जियानू दौ माल लगिया, पहें एंग्गागे एड़पा तरा किरना मंजा। गोट्टा डहरे जियानू ई इच्छा रहचा कि एका बीरी एड़पा अड़सोन आबारी लक्षम्मा र'ओ। गोटा मांखा एंग्गा लग्गा लगिया कि लक्षम्मा ही मेंदन लकड़ा ओरोख ती गोदर'आ लगी। ऐन गोट्टा माखा बेचैन ती पैरी मनना ही पाब ऐरा लइक्कन।



अक्कून ओड़ा ही चेरबेरना अरा कटिक बिल्ली मनतेम रहचा, कि ऐन कमियास ही संग्गे टोड़ांग तरा किरिम बिचकम। ऐम टोड़ांग नू आ अड़डा अड़िसकम ऐसन केरका माखा ऐम अबड़ा एँडोन बिदकचकम। एंग्गा ठरकी ही धीरेम से सड्डना मेंदरा। ऐन कमियासीन बाचकन खने आस कोहांम नांखचस। शायद आस बआ बेदा लगियस कि ई अखोल टोड़ांग नू भइर मांखा र'अते इकआम भैईस अरा पइडरा उज्जते बछर'आ उंग्गी। पहें एंग्हेँ जिया नू ठरकी सडनान मेन्नर कि अजम दौ लग्गा लगिया।

ऐन्नेम सोचनूम ऐन झूड़ आबोन आगु तरकुटी नन्नते खुल्ला अड़डा नू अड़िसकन। खनेम एंग्हेँ नंजाइर टोंका ही ठीक मझि नू इज्जका भैईस मंइयाकेरा। एंग्गागे एंग्हेँ खन्न मंइया विश्वासमाल लगिया। एंग्गा लगिया शायद ईद सच्च मल्ली, पहें ध्यान ती इरकान खन्ने अदहि हेददे चूतका पइडरा हूँ एथरा। आ बारिम कमियास चिच्चयारस उर्बायों ईद गा नम्हें लक्षम्मा हिके।

ऐन अन्नैत रिझिरकन। ऐन लक्षम्मा—लक्षम्मा चिच्चयारनुम अदिन ऐरा केरकन। ओंद घड़ी ऐम एँडो आलम अरा जऊँत नू अंतर मालरहचा। खने ऐन अक्कन कि एंग्गा अदही ती एवंदा चोन्हा र'ई।

लक्षम्मा हूँ खोलन हिलचा, तग्है बइयन अंगला अरा ब'अ पोलना ती हूँ आद जम्मा बाचा चिच्चा। अक्कु एंग्हेँ नजर अदही मेंद ता खददी नू केरा। आदही सींगनू हूँ खेंस रहचा। ओंदघड़ी ऐन अरा एंग्हेँ कमियस गोट्टा मांखा ता जम्मा मंज्जका कत्था ही अनमन लगा बआ लईकम।

उर्बायो, इदा एरा लकड़ा ही ओरोख ही चिन्हा अरा एरा किंदरारका ही चम्बी। पता मल्ला ई किंदरारकानू लकड़ा अरा भैईस एवंदा हेल किंदरार नेखअन। शायद लकड़ा सन्नी रहचा हेअन।

मानिम नीन सही बआदय। शायद ओरतो एकला लक्षम्मा रःअना होले आद इलिचकाती लड़'आ पोल्लो दने। पहें ईद तंगहें खदद ही चलते दुर्गा ही रूप होच्चा। मानिम लकड़ा इदही मैया झपटारा, पहें इद हूँ तम्हें सींग ती लकड़ा ही मेंदन लवचा नेखअन। ऐन रिझती ब'अचकन।

ऐन लक्षम्मान आबोन संवराचकन अरा ढेर थपथपा बाचकन। खेखेलनू पइडरा ही चौगिरदा लकड़ा ही चम्बी ही गोल-गोल चिन्हा रहचा अरा अदही भीतरी भैईस ही खुरी ही चिन्हा।

ऐन ँँडोर ही मेंदन थपथपा बाचकन अरा आरिन एड़पा ओंदरकन बरचकन। गोट्टा पद्दा आ लड़ाई नना उगू तंगियोन एरागे बरचर। एंगहें आली अरा खददर रिझती नला हेल्लर। ढेर उल्ला गोटी पद्दानू अदही सवंग ही कत्था मना लगिया।



बक्क गहि माने

इसन जोक्क बक्क ही मानें किइय्या कटिजला नू चिच्चका र'ई। अदिन चाजर की बक्क ही मुन्धवारे तूड़ा।

खापुस, दोसररगे, भरम, खनी खोप्पा।

तंग — परेशान खापुस — अड्डो-मेखोन ईरू —खुजूस।

पइडरा — भैईस ही खदद, बरबाद — बिगड़ारना।

अड्डो खोड़हा — अड्डो मेखो ही भीड़, अनुमान — अंदाज।

खतरी — चलते। भरम — माल पइताना, शंका।

मेनता अरा हेभेरना

बेहवार ननताना—

मस्टरस, खददारीन ँँड खोड़हा नू खट्टोस। ओंद खोड़हाता खददर ँँडता खोड़हांता खददरती मेनता मेनोर ँँडता खोड़हा तरती मेंजखा माल तेंगोर होले, ओदंता खोड़हा ता खददर तामीम मेंजखा तेंगोर। फिन ँँडता खोड़हाता खददर ओदंता खोड़हाता खददारिन मेनता मेनोर। मस्टरस हूँ खददारिन जोक्क बारका मेनता मेनोस। जोक्क मेनता एन्ने बरन हूँ मना उंगी—

क. लक्षम्मा नेखय नामे उईका रहचा ?

ख. भैईस आबोन खापा गे ने हो'आ लगियर?

मेनता 1. किइय्या तूड़चका मेनता ही मेंजखा तूड़ा।

क. भैईसा अरा अदही पइडरा टोड़ांग ती एकाबारी किरर की बरःहा लगिया ?

ख. तूडुस गाय महते भैस खेंदना ही निर्णय एंदेरगे होच्चस ?

- ग. भैंस ही नामे लक्षम्मा एंदेर गे उइयस ?
 घ. पइडरान तंगियो ही संग्गे मेना मोखागे तइना ही फैंसला एंदेरगे होच्चर ?
 ड. लक्षम्मा अरा पइडरा ही एबेसेरना काना ही पइत्त नू पदिदयर एंदेर सलहा चिच्चर?

बुझुरअर की तूड़ा—

— लक्षम्मद लकड़ा ती पइडरन एकासे बछाबाचा हे:अन ?

मेनता 2. ई कत्थान ने तगहैं नेखैती बाचा।

- क. नेला ती इदिन हूँ इंदही तंगियो ही संग्गे मेना मोखा तइयोत चि:ओत।
 ख. ओंदघड़ी गा विमलस् ही बरना ही डहरे ऐरना दौ मनो।
 ग. उर्बायों इदगा नम्हैं लक्षम्मा तली।

मेनता 3. किइय्या तूडुरका पंक्ति ही मानें तेंगा—

- क. एम्हैं जिया नू घंटी मेंदरना गहि सोच अकय चैन चिआ लगिया।
 ख. एम्हैं एँडो झन नू आलर अरा जऊँत ही मझीता भेद मुजरिकी किरकीचा।
 ग. तंगदा ही खतरी लक्षम्माद दुर्गा ही रूपेन होच्चा।

कत्था—बचना अरा कत्थअइन

बेहवार—ननताना

कक्षान एँडो खोड़हा कम'अर की एक दोसरर ती बक्क ही मानें मेना अरा बकपून नू बेहवार नना।

मस्टरस श्रुतिलेख तूड़ागे ओंटे अनुच्छेद ब'ओस। इस्कूलियर एक दोसर ही तूडना कॉपीन अदली—बदली ननर की जंचना ही नलख ननोर।

मेनता 1. फूरमासी अर्जआना(प्रेरणार्थक क्रिया) ही बारे नू नीम बच्चका रअदर एकअम मून्द बकपून एन्ने तूड़ा का अइया फूरमासी अर्जआना(प्रेरणार्थक क्रिया) बेहवार मंजकी र'ई ।

मेनता 2. किइय्या तूडुरका बक्क आबोन सही ननर की तूड़ा—

मुसकिल, तंगआली, निणर्य, परदन, रोजे, बीड़ी पूतबिरि, लड़ाय, बहगंरिया,

मेनता 3. किइय्या तूडुरका बकपून ही नीदि अड्डन कटिजला नू चिच्चका संही बक्क आबोन चाजर की निंद'आ।

(चिच्चयारस, थपथपाबाचा, संवराचकन, नजरं, मीखकम।)

- क. तंगआली भैईस ही मेदन.....
 ख. एम बिमल सीन दुदही बिनागे.....
 ग. कमियस जोर से.....
 घ. पदिदयर घटना ही सोच—विचार.....
 ड. एन्न लक्षम्मण.....

मेनता 4. किइय्या तूडुरका बेक्कों कत्था ही माने तूडुर की बकपून नू बेहवार नना—

- रिज्झी बग्गे मनर —
 रिज्झ ती नला खच्चना —
 लाले चुरखना —
 चींखा मुही मन्ना —

मेनता 5. पुत + बेड़ा जोड़अर की पुतबेड़ा मनी। किइय्या तूड़रका बक्क आबोन जोड़अर की ओंटा-ओंटा बक्क कम'आ।

स्कूल+आलर

काला+लगन

ओन+घंडी

पचगी+बेड़ा

खदद+पहरा

बचआ अरा बुझुरआ

जोड़ोरका बकपून ही पइत्त नू नीम बच्चका र'अदर। जोड़ोरका बकपून नू एँड़ या एँड़ती बग्गे बकपून मनी जमा स्वतंत्र मनी। ई बकपून एक दोसरार' अरा पहेँ नू गुटठी अवयव ती रई। नमूद एरा-एम एँड़ो झर ही मेदन थपथपावाचकम। आरिन एड़पा ओंदोरकम इबड़ा बकपून आबोन जोड़ोरका बकपून ही रूपे नू तूड़ना र'ई होले एन्ने जोड़अर की तूड़ोर। एम एँड़ो जन ही मेदन थपथपावाचकम अरा आरिन एड़पा ओंदोरकम।

मेनता 6. किइय्या तूड़रका बकपून आबोन अरा' पहेँ बक्क नू बेहवार ननर की जोड़'आ अरा जोड़ोरका बकपून कमआ-

क. लकड़ा पइडरन पिटा बेददा लगिया। लक्षम्मा अदही मुन्धवारे बर'आ कला लगिया।

ख. एन ध्यान ती ईरकन। आद माल ऐथरा।

ग. एन कमिया सीन चिच्चयारकन। आस चिच्चयारनन माल मेंजस।

घ. एन बोंगते मुन्धवारे केरकन। मुन्धवारे गड्डी ऐथरा।

ड. बग्गे मंखा मना लगिया। टोड़ांग नू लकड़ा ही इलिचका रहचा।



मेनता 7. खीरी ही ओंदता पता नू बरचका एवजी पिंजका बक्क आबोन चाजर की तूड़ा।

कत्थ-तूड़

मनआ होआ कि नीन पददा नू र'अदय अरा माखा बारी निम्हें एड़पा ही धरी-धरी परता ता जऊँत कुद्दते र'अना होले नीन निम्हें जियानु बितरका कत्थान ऐकासे तेंगोय दने, सोचकर कि तूड़ा।

जोगे-बढ़हाबअना

खदद सभा नू अडडो-मेक्खो, ओड़ा खाखा ती जोड़ोरका एक'अम खीरीन तेंगा।

बचताअना-डहरे

मास्टरस स्कूलियारिन खीरी तेंगोस। खीरीन खोड़हा नू बचआगे मोंका चि'ओस। ओरमा खोड़हा ती लाईन ती खीरी तेंगागे पेसओस।

